

Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

De reprehenso ab Origene Ambrosio, & doctrina Origenis. Cap. XIII.

urn:nbn:de:hbz:466:1-29861

complectitur translationem, post quatuor communes & vulgares interpretationes non solum quintam, sed etiam sextam, & septimam adiungens, in una illarum ostendit, quopacto ea in vrbe Hiericho, temporibus Antonini Seueri, esset in dolio reperta. Atque ipsas in vnum volumen omnes redigens, Columellis inter se distinxit, & alterum alteri ex aduerso vnâ cum exemplari Hebræorum, apposuit. Sic exemplaria illa, que ἔξαπλα dicuntur, nobis reliquit. Aquilæ porrò & Symmachi, & Theodotionis editionem, vna cum sepruaginta interpretum explicatione in opus quadrupliciter contextum separatum digessit. Intelligendum est Symmachum vnum ex his interpretibus hæresim Ebionitarum propugnasse. Ista autem hæresis ique Ebionæorum nomine appellatur, est eorum (sicuti ex superiori historiæ nostræ sermone dicimus) qui affirmant Christum ex Ioseph & Maria prognatum, eumque solum hominem existimant, & legem more Iudeorum obseruandam constanter assueverant. Commentarij item Symmachi ad hoc usque tempus custodiuntur: in quibus ex testimonio euangelij secundum Mattheum errorem, de quo locuti sumus, roborare contendit. Istos commentarios Origenes cum aliis Symmachi in scripturas explicationibus, ostendit se à Iuliana quadam accepisse, atque illam ab ipso Symmacho eos libros sumptissime.

*De reprehenso ab Origene Ambroſio, &
doctrina Origenis.
CAP. XIII.*

Per idem tempus Ambrosius, qui Valentiniiani erroris prauitate erat infectus, ipsa veritate, cuius partes Origenes in disputando susceperebat, conuictus, confutatusq; ac veluti lucis splendore intérieore mēte illustratus, rectæ & ecclesiasticæ fidei se totū addixit. Alii etiā cōplures exquisita doctrina imbuti, ppter celebrē famā, quæ de Origene ubiq; emanauerat, ad eum se conferebant, periculū de accurata cumulataq; viri in sacris literis facultate & notitia facturi. Infiniti porro Hæretici &

Q. 4 Philo-

EVSEBII HISTORIAE

philosophi non pauci, omni literarū genere cum primis
eximii, studiose & attente ei animum aduertebant, & præ-
terquam quod sacris & diuinis literis, exteris præterea
disciplinis, quæ ad philosophiam attinebant, aliqua ex
parte ab illo eruditæ institutiq; fuerunt. Illos item, quos
ingenii acumine & bonitate valere intelligebat, phiso-
phiae cognitione, Geometria, Arithmética, & aliis id ge-
nus artibus, quæ ad grauiora studia viā muniunt, informa-
uit excoluitque. Deinceps ad philosophorum fœtas, eo-
rumque opiniones perdiscendas deduxit, & libros ab il-
lis conscriptos eis exposuit, cum præclare ip̄s eos com-
mentando, tum perspicaci mentis solertia in singula in-
tuendo, adeo ut philosophus plane insignis esset omniū
Græcorum sermone prædicatus. Complures item, qui
ingenio erant paulo obtusiore, ad humaniores literas,
quæ sunt in communi consuetudine positæ perdiscendas
impulit: assueras eos non parum fructus & commodita-
tis ex illis, & ad sacrarum literarum cognitionem, & ad
mentis ad easdem ingrediendas, præparationem, perce-
pturos. Vnde secularis, ut ita dicam, literaturæ ex philo-
sophia petitæ studiū & exercitationē sibi in primis necel-
fariā existimauit. Illius vero singularis præstatisq; in his
rebus progressionis testes sunt Græcorum philosophi,
qui eius temporibus viguerunt. In quorum libris cre-
bram huius viri mentionem inuenimus: præterea quod
nonnulli aliquando suos libros illi dedicabant, inter-
dum lucubrationes ad eum, tanquam ad magistrum quod
de illis iudicium ficeret, referebant. Verum quid atrinet
ista commemorare, cum Porphyrius, nostra iam memo-
ria, in Sicilia degens, (qui quidem libros contra nos,
quibus diuinæ scripturas calumniis infectari conatus
est, edidit: quique cum eorum commentariis sedulo e-
uoluendis, qui eos interpretati fuissent, nihil reperiret,
quod religionis nostræ doctrinæ vitio dare posset, tan-
quam dicendi facultate destitutus, se ad interpretes ip-
sos conuictis lacerandos conuertit, ipsumque Origenem
in primis, quem dum ipse adhuc adolescens erat, se co-
gnouisse dicit) cum ille, inquam, Porphyrius hominem,
quem probris & maledictis concidere molitur, imprudēs
maximis

maximis laudibus efferat, partim vera dicendo, cum aliter nullo modo dicere queat, partim falsa comminiscendo, in quibus se putarit à nemine posse persequi, quamquam aliquoties illum, quia Christianus erat, criminaatur, non raro tamen propter præstantiam, qua in studiis philosophiae, & liberalium artium disciplina excelluerit, summe admiratur, & maxima commendatione extollit. Cæterum eum hæc de eo commemorantem audiamus. Nonnulli dum in animo habebant, non ab impiis & vitiis Iudæorum scripturis desciscere, sed earum obscuritatem dissoluere aperireque, ad interpretationes quasdam male coherentes, & scripturis illis parum accomodatas se transtulerunt: quæ non tam ad defensionem exterè & peregrinè Iudæorum doctrinæ, quæ ad approbationem & laudem suæ faciunt. Nam dum ea, quæ plane & aperte à Moyse dicta sunt, inani venditatione enigmata esse iactitant, & velut diuina oracula plena arcanorum mysteriorum summa veneratione celebrant, insolenti quadam arrigantia & fastidio elati, animi sui iudicium perstringunt, & leues vanasq; interpretationes introducunt. Deinde Paulo post subnectit. Huius inscitiae & stultæ opinionis exemplum ab Origene sumatur, viro, qui cum mihi, cum essem admodum adolescens, aliqua intercedebat familiaritas: qui quidem & illo tempore in maximo honore fuit, & adhuc est propter libros, quos post se reliquit, in non minore: cuius gloria apud istius doctrinæ professores ac magistros est cum magno splendore peruagata. Iste enim Ammonii factus auditor (qui nostra quidem ætate magnam in philosophia comparasset commendationem) tametsi ad literarum cognitionem & peritiam, magnam sane à magistro percipiebat virtutatem, ad rectam tamen vitæ institutionem & modum, diuersam ab illo & omnino contrariam viuendi viam ingressus est. Nam Ammonius Christianus à Christianis parentibus educatus, quando in prudentia aliquam progressionem fecerat, & philosophiæ studia semel degustauerat, statim à Christianismo ad eam vitæ rationem, quæ humanis legibus gubernatur se transtulit. Origenes autem Græcus in Græcorum disciplinis in-

R. 5. Stirps

E V S E B I I H I S T O R I A E

stitutus, ad rude & barbarum vitæ genus temeraria quādam audacia inductus, animum appulit: ad quod se referens, cum seipso, tum ea perfectione & quali maturitate, quem in politiore doctrina adeptus fuisset, ad turpem, quæstum abusus est: atque quod ad vitam attinet, eam Christiano more iuuste impieque exegit: quod spectat ad opiniones, quas cum de aliis rebus, tum de diuino nomine tenebat, in illis Græcorum consuetudinem imitatus, etiam eorum doctrinam ad peregrinas & commentarias fabulas Iudeorum confirmandas, tanquam subsidium sibi comparauit. Platonis enim libros semper habebat in manibus: in Numenii, & Cronii scriptis multum versabatur: Appollophane, Longino, & Moderato vtebatur familiariter: Nicomachi & aliorum illustrium Pythagororum monumenta terebat sedulo, Cheremonis Stoici, & Cornuti libros crebro usurpabat. Ex quibus cum rationem ac modum mysteriorum per allegorias explicandorum, quo Græci scriptores uti solebant, accurate didicisset, eum ipsum ad Iudaicas scripturas accommodauit. Hæc à Porphyrio in tertio libro operis sui contra Christianos conscripti, commemorata sunt: qui sane de viri studio & doctrinæ abundantia vere affrat, sed in reliquo sermone, in quo ait ipsum à Græcorum religione ad fidem Christi se transtulisse, Ammonium autem ex viuendi ratione, quæ est secundum verum dei cultum, ad mores Græcorum delapsum, perspicue certe (quid namque non falso comminisceretur, Christianorum hostis) atque adeo improbe mentitus est. Nam & instituta Christianæ disciplinæ (sicut historia superior declarauit) Origeni à parentibus integra tradebantur: & Ammonio sincera diuinæ philosophiæ religionisque Christianæ præcepta firma, usque ad extremum vitæ exitum, per manserunt: sicut hominis libri tanta elaborati industria tanquam multorum commendatione approbati (quos posteritati reliquit) adhuc multis in locis testes esse poterunt: ut ille, qui de consensu & conuenientia Moysis cum Iesu inscribitur: & alii qui reperiuntur apud literarum studiosos. Ista igitur hoc loco à nobis posita sint ad declarationem tum calumniæ maleuoli obtrectatoris

tum

tum exquisitæ & copiosæ Origenis in Gentilium disciplinis cognitionis: de qua in epistola quadam missa ad illos, qui ei vitio vertebant, quod tantum studium in illis disciplinis collocauisset, hæc scribit: Quoniam ad me verbo dei addictum & consecratum, fama de illa mea, quam iam in bonis literis adeptus fuisset, maturitate per multorum ora volitante, permulti cum hæretici, tum qui artium liberalium ac gentilium disciplinarum eruditione, & eximia philosophiæ notitia maxime præstabat, frequentes accederunt, placuit & dogmata hæreticorū, & philosophorum instituta, quæ de veritate differere propositæ diligenter peruestigare. Hoc autem fecimus, non solum Pantænum imitati, qui multis ante nos multum plane attulit adiumenti, quod illo studiorum genere exquisite instructus esset, verum etiam Heraclam, iam Alexandriæ præsbyterii gradum adeptum: quem apud discipline philosophiæ magistrum & doctorem, cum iam quinquennio antequam ego ad eam studiorum ratione audiendam me conferre cœperam, illi viro enixe operam dedisset, reperi. Et propterea non modo vulgari veste & communi, qua ante usus fuisset, exuta & deposita, philosophi apparatus, quem adhuc retinet, sibi assumpsit: verum etiam libros gentilium etiamnum euolue pro viribus non desistit. Atque hoc modo de Gentilium disciplinis, & earū studio Origenes dicitur responde. Eodē tempore illū scholę Alexádrinę operā manatē miles quidē adiit, & literas à præside Arabiæ tū Demetrio episcopo, qui ibidē rexit ecclesiā, tū præfecto, qui tū Aegypto præfuit, attulit, vt cū omni festinatione Origenem ad ipsum mitterent, qui in sacris literis ipsum erudit. Quapropter ab illis ad eū missus Origenes, proficiscitur in Arabiā: ac negotio cur eo se cōtulisset, breui ad exitū perducto, iterū Alexandriā reuertitur. Nō lōgo tē poris interuallo interiesto, vbi intestinū & ciuale bellū nō exiguū quidē ibi exardestebat, egress⁹ est Alexátria. & cū non satis tuto se in Aegypto cōmorari posse putaret, iter capit in Palæstinam, & Cesareæ ludum aperit: vbi licet nondum præsbyterii gradu potitus, ab episcopis, qui ibi erant, non ad disputandum solum, sed ad scripturas etiam aperiendas, magnopere

EVSEBII HISTORIAE

in communi ecclesiæ consilio rogatus est. Quod quidem poterit esse perspicuum ex his, quæ Alexander Hierosolymorum episcopus, & Theoctistus, episcopus Cæsareæ ad Demetrium in Origenis defensione sic ferè respondebant. Quod autem in literis adiunxeris, nunquā antea auditum, neque iam usurpatum, ut Laici, præsentibus episcopis disputarent, scripturasque exponerent, in eo mihi nescio quo modo videris perspicue falsa dixisse. Nam ubi idonei & habiles reperiuntur, qui fratribus in verbo Dei adiumento sint, à sanctis episcopis rogantr, ut populu in verbo instruant: sicut Larandis Euphrasius à Neone, Iconij Paulinus à Celso, & apud Synados, Theodorus ab Attico, qui omnes beati & pij fratres erant. Ac verisimile est, quamuis nobis obscurum & minime cognitum sit, illud idem in aliis locis fieri. Hic quem dico, Origenes adhuc adolescens, non modo ab episcopis quibuscum familiaritatem contraxerat, sed à peregrinis, qui illum propè ignorabant, isto modo in magno honore habitus fuit. Quin ubi Demetrius & per literas, eum accersuerat, & per diaconos ecclesiæ ut mature rediret Alexandriam, hortatus erat, ille cōreversus, consueta studia & exercitationes denuo obire coepit.

Quinam extant libri eorum qui tum temporum floruerunt.

CAP. XLIIII.

PEr idem tempus complures ecclesiastici viri eloquentia laude præstantes, floruerunt, quorum epistolas, quas alter alteri, scripsierunt, adhuc reseruatas reperire licet. Quæ etiam ad nostram usque ætatem, in Aelia. i. Hierosolymorum Bibliotheca, quæ est ab Alessandro, tum illic ecclesiam administrante exædificata, custoditæ fuerunt: ex qua Bibliotheca ipsi ad opus, quod habemus in manibus, permulta collegimus. In quorum disertorum virorum numero est Beryllus, episcopus Bostræ in Arabia, qui varios libellos ex optimis scriptoribus, tanquam flosculos excerptos una cum epistolis, & aliis operibus post se reliquit. Hippolytus etiam alterius ecclesiæ episcopus his annumeretur, qui idem prestitiuit.